

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-17501/23
Sarajevo, 16.10.2023. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU

Izvođenje radova na regulaciji rijeke korita Dobrinje od profila P 100 do P 107

I

Prihvata se preporuka Komisije za javnu nabavku radova i okvirni sporazum u postupku javne nabavke – Izvođenje radova na regulaciji rijeke korita Dobrinje od profila P 100 do P 107, broj obavještenja 422-1-3-205-3-211/23, objavljeno na Portalu javnih nabavki dana 09.8.2023. godine i “Službenom glasniku BiH- Oglasnik javne nabavke”, br.56/23, dodjeljuje se grupi ponuđača „HARYSCO” d.o.o. Sarajevo i “MGBH” d.o.o. Sarajevo sa ponudom u iznosu od 1.146.340,00 bez PDV-a, odnosno 1.341.217,80 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda. Obavezuje se ponuđač da prije zaključenja okvirnog sporazuma dostavi Licencu/ovlaštenje za obavljanje djelatnosti građenja/izvođenja radova iz područja hidrotehnike i niskogradnje izdatu od Federalnog ministarstva prostornog uređenja.

Obrazloženje

Odlukom broj Odlukom broj 02/12-19-17501/23 od 14.7.2023.godine Općina Novi Grad Sarajevo pokrenula je otvoreni postupak javne nabavke - Izvođenje radova na regulaciji rijeke korita Dobrinje od profila P 100 do P 107, broj obavještenja 422-1-3-205-3-211/23, objavljeno na Portalu javnih nabavki dana 09.8.2023. godine i “Službenom glasniku BiH- Oglasnik javne nabavke”, br.56/23.

Zapisnikom o otvaranju ponuda od 30.8.2023. godine Komisija je konstatovala su u predviđenom roku, u propisno upakovanim kovertama, pristigle četiri (4) ponude ponuđača:

1. „GPI“ d.o.o. Konjic
2. “ORMAN” d.o.o. Kiseljak
3. grupa ponuđača “HARYSCO” d.o.o. Sarajevo i “MGBH” d.o.o. Sarajevo
4. „ŠPIC BETON“ d.o.o. Zenica

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuda ponuđača "GPI" d.o.o. Konjic ne ispunjava kvalifikacioni uslov tražen u tenderskoj dokumentaciji iz tačke 3.4.1.d) - tehnička i profesionalna sposobnost – da je ponuđač opremljen neophodnom opremom za obavljanje predmetnih radova. Tačkom 3.4.2.c) propisano je da se kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole, a za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Uvidom u dostavljenu ponudu Komisija je utvrdila da je ponuđač na stranici 74.ponude dostavio ovjerenu kopiju upotrebne dozvole za radnu mašinu-mini utovarivač. Komisija je utvrdila da je masa radne mašine za koju je dostavljena dokumentacija iznosi 7300kg, a tenderskom dokumentacijom je tražen mini utovarivač mase do 3t.

Iz naprijed navedenih razloga utvrđeno je da je ponuda ponuđača "GPI" d.o.o. Konjic ne ispunjava uslove tražene u tenderskoj dokumentaciji iz tačke 3.4.1.d) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje, Komisija je utvrdila da ponuda ponuđača „ŠPIC BETON“ d.o.o. Zenica ne ispunjava uslov tražen u tenderskoj dokumentaciji iz tačke 3.4.1.d) – tehnička i profesionalna sposobnost – da je ponuđač opremljen neophodnom opremom za obavljanje predmetnih radova. Tačkom 3.4.2.e) propisano je da se kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija), za kamione se dostavlja ovjerena kopija važeće saobraćajne dozvole, a za radne mašine ovjerena kopija važeće saobraćajne ili upotrebne dozvole. Ukoliko iz upotrebne dozvole nisu vidljive važeće karakteristike mehanizacije potrebno je dostaviti zapisnik koji to dokazuje (original ili ovjerena kopija).

Komisija je konstatovala da je ponuđač kao dokaz da posjeduje 2 bagera rovokopača (isključivo gusjeničar) od 8 do 15t na stranici 64.ponude dostavio ovjerenu potvrdu o registraciji gdje je evidentirana masa 8200kg, međutim Komisija nije mogla utvrditi da li bager rovokopač ispunjava tražene karakteristike (gusjeničar) jer ponuđač nije dostavio upotrebnu dozvolu za zapisnikom koji to dokazuje. Nadalje na stranici 65.ponude dostavljena je upotrebna dozvola za drugi traženi bager za koji nije navedena masa, a ponuđač nije dostavio zapisnik koji sadrži tražene karakteristike mehanizacije.

Dalje je tenderskom dokumentacijom tražen bager rovokopač (isključivo gusjeničar) minimalno 18t, ponuđač je na stranici 66.ponude dostavio potvrdu o registraciji gdje je evidentirana masa bagera 22000kg, međutim iz dostavljenog nisu vidljive tražene karakteristike (isključivo gusjeničar), a ponuđač nije dostavio upotrebnu dozvolu sa zapisnikom kako bi Komisija mogla utvrditi da li radna mašina ispunjava tražene karakterisitke.

Iz naprijed navedenih razloga utvrđeno je da je ponuda ponuđača "ŠPIC BETON" d.o.o. Zenica ne ispunjava uslove tražene u tenderskoj dokumentaciji iz tačke 3.4.1.d) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni dokumentacije preostalih ponuda te konstatovala da dostavljene ponude ponuđača "ORMAN" d.o.o. Kiseljak i grupe ponuđača „HARYSCO" d.o.o. Sarajevo i "MGBH" d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da su ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. "ORMAN" d.o.o. Kiseljak sa ponuđenom cijenom za okvirni sporazum u iznosu od 1.211.730,39 KM bez PDV-a,
2. „HARYSCO" d.o.o. Sarajevo i "MGBH" d.o.o. Sarajevo sa ponuđenom cijenom za okvirni sporazum u iznosu od 1.213.661,88 KM bez PDV-a,

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH", br. 66/16) zakazano održavanje e-aukcije na Portalu javnih nabavki BiH za dan 29.9.2023. godine sa početkom u 14:30 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-205/23 od 29.9.2023.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „HARYSCO" d.o.o. Sarajevo i "MGBH" d.o.o. Sarajevo sa ponuđenom cijenom za okvirni sporazum u iznosu od 1.146.340,00 KM bez PDV-a,
2. "ORMAN" d.o.o. Kiseljak sa ponuđenom cijenom za okvirni sporazum u iznosu od 1.147.552,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum grupe ponuđača „HARYSCO” d.o.o. Sarajevo i “MGBH” d.o.o. Sarajevo iznosi 1.146.340,00 KM bez PDV-a, odnosno 1.341.217,80 KM sa PDV-om, o čemu je ponuđač dostavio saglasnost broj 02-290/23 dana 03.10.2023. godine.

Shodno naprijed navedenom Komisija je donijela preporuku za zaključenje okvirnog sporazuma za predmetnu nabavku sa grupom ponuđača „HARYSCO” d.o.o. Sarajevo i “MGBH” d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova



Općinski načelnik
mr. Semir Efendić